



UNIVERSITÄTS-
BIBLIOTHEK
PADERBORN

**Bavaria Sancta Maximiliani Sereniss. Principis Imperii,
Comitis Palatini Rheni, Vtrivsq. Bav. Dvcis Avspiciis**

Rader, Matthäus

Monachii, 1615

B. VVinthirvs, Mvlio.

[urn:nbn:de:hbz:466:1-79686](https://nbn-resolving.org/urn:nbn:de:hbz:466:1-79686)

B. VVINTIRVS EX AGASONE PRÆCO CHRISTI.



*Si pecus Arcadicum potuit docuisse Propheten,
Arcadice rector non queat auris idem?
Ars rudis, et tantum fallendâ piscibus apta,
Facta est caelestis docta magistra scholâ,*

*Pallia barbati sapientis penula vicit,
Penula victoris signa secuta crucis:
Quid mirare rudem pietatis tradere mores?
Plus doctis dictis, candida vita mouet*

H

B. VVIN-

D. VINTHIRO, EX AGARONE BRACO CHRISTI



Quia in hac parte
fuerit in hac parte
fuerit in hac parte
fuerit in hac parte

Quia in hac parte
fuerit in hac parte
fuerit in hac parte
fuerit in hac parte

B. VVINTHIRVS,

M V L I O.



Best Monachio mille admodum passus Neohusium vicus, hodie sub præfecturâ Dachauensi, in quo non inelegans visitur templum, vbi conditus hodie B. VVinthirus colitur, neque de ratione vitæ plus nobis constat, quàm quod constanti maiorum narratione ad nos peruenit, VVinthirum aduenam jumentis clitellarijs victum quærentem, hoc loci in vili casa sedem posuisse, & Christianam disciplinam tum primùm per Boicam passim crescentem, per hunc quoque virum magna præsertim inter colonos augmenta summis, quòd is suam agrestibus operam in Christi lege promulgandâ admodum vtilem & salutarem collocaret. Non semper æterna Dei potentia per doctos & expolitos doctrinâ philosophos docere rudes consuevit, sæpè doctos per rudes etiam erudit. Adoleuit enim cælestis nostræ religionis doctrina non per Atheniensium sophismata doctorum, neque per Romanorum disertas orationes, sed piscatorum, & rudium discipulorum non rudem, qui in illis vigeat, spiritum. Feruntur VVinthiri mira multa supra naturæ vim effecta; quæ non ineleganti descripsit versu clarissimus vir Io: Gailkircher, serenissimo Boiorum Principi Maximiliano ab intimis consilijs, I. V. D. qui in eodem pago prædium habet, quem lubet historiæ nostræ etiam fidei faciendæ, attexere, cùm totam complectatur vitam D. VVinthiri.

Ex ade sacra ad Moenachium primo lapide desina.

*Creditur, ut prisceis famâ memoratur ab annis,
Quando sancta fides has primitus imbuit oras,
Numinis indoctas cælum, terrâsque regentis,
Vir pius ardente in Christum succensus amore,
VVinthirum indigetant atauorum ex ore nepotes,
Lustratis passim templis, Diuûmque sacellis
Boia, quibus primæ meruit sibi nomina laudis,
Tandem etiam has Isaræ niueas voluentis arenas,
Venisse ad ripas, hujusque ad limina templi,
Sub gurgustio, peregrinum indutus amictum,
Contentus modicâ stipe, vel quas angulus horti*

H 2

Reddebat

DE B. VINTHIRO.

Reddebat fatuas, pauperrima prandia, betas,
Noctes atque dies psalmis intentus & hymnis,
Sanctum Christe tuum, Caeloque Ereboque tremendum
Nomen adhuc inopes fidei docuisse colonos,
Ruricolis segetes, & leta armenta precatus.

Mira viri virtus, miris inclaruit actis,
Omnia terrarum media Alpes inter & Istrum,
Hinc inde occasum spectantia Solis & ortum,
Vinthiri illustris pietas & fama tenebat.

Cernere erat morbis medicam superantibus artem.
Aut quibus ærumnis alijs utcumque grauatos,
Huc celerare gradus, densisque venire cateruis,
Ad tuguri, & viridi congestum cespitem culmen,
Fatidici, ac mæstis solatia querere rebus.

Nec spe frustrati plerique abiêre (quis unquam
Falsus & incassum Christi veneratus amicos,
(onsilij vel opis discessit egenus & *exspes?)

Sæpe videre fuit linguæque & lumine captos,
Et pedibus manibusque ægros, longisque trementes
Febribus, aut alio miseros discrimine rerum,
Hinc prece Vinthiri, placatâ Numinis irâ,
Ad sua sanatis remeare mapalia morbis,
Auctoriq; Deo primas, laudesque secundas
Decantare viro tantâ virtute potenti.

Fama habet, hîsce Deo placitus dum vixit in oris,
Inuigilans precibus surgentis ad ostia templi,
Commendans superis hominum pecudumque salutem,
Vix unquam trifido tactas à fulmine messes,
Arboribus raro subitas nocuisse procellas,
Rarius vrentem scabiem, pestemque malignam
Cornigeros petijisse greges, timidâsque bidentes.

Nec verò exemplum mortalibus, hicque sepultum,
Calicolâsque inter fato meliore fruentem
Deseruit pietas, & egentis cura popelli,
Huic sua solenni ritu votiuâ ferentis,
Orantisque Deum, suffragatore beato
Vinthiro; veniam culpis det, crimine nexos
Expediat pænis, ventis imponat habenas,
Auertat tristes maturis frugibus imbres,
Arceat à stabulis diræ contagia pestis.

Christe

*exspes al.

*Christe salus hominum, sanctorum prima virorum
Gloria, quos ardens tua sancta, fidemque professos,
Religio & Virtus meritis super aethera vexit,
Hic ubi pro nobis miserâ statione relictis
Multa gemunt, veniam noxis, pacemque rogantes,
Eia age da molles, facilesque precantibus aures,
Quae nocitura vides (Uno omnia conspicis ictu
Sydereæ de sede Domus) mortalibus aegris,
Fac procul hinc absint ingrati à sinibus agri,
Te miserante Deo, sanctisque in vota vocatis,
Cum quibus æternis floret tibi gloria seclis.*

